



Universitätsbibliothek Paderborn

**Carminvm Iacobi Albani Ghibbesii, Poetae Lavreati
Caesarei, Pars Lyrica**

Gibbes, James Alban

Romae, 1668

Ad Henriettam Mariam, Borboniam, Angliæ Reginam. Cùm ipsam ex Alba
Aula egredientem magna hominum multitudo insequeretur. Ode XX.

urn:nbn:de:hbz:466:1-13378

Expromet roseo Castor ab æquore,
 Et sœui rabies Noti
 Mitescet Zephyris : tympana conuocent
 Aeratas acies, armaquè matribus
 Exosa, & medio sœuiat agmine
 Mauortis rigidi furor ;
 Hæc mixtas lituis disjicit tubas,
 Et Pallas subitò casside lauream
 Neglectâ capiti nectet, & aureis
 Pax orbem repetet rotis.
 Hæc regnorum apices, fataquè principum
 Impacata rotat, iuraquè ciuium
 Sancit, dein repetit non patiens humi
 Arcis sidereæ plagas.

AD HENRIETTAM MARIAM,
 BORBONIAM,
 ANGLIAE REGINAM.

*Cum ipsam ex Alba Aula egredientem magna homi-
 num multitudo insequeretur.*

O D E XX.

R Egina Magnæ magna Britanniæ,
 Galliquè, Scotiquè, & celeris pede
 Patrona Hiberni; sponsa regis,
 Nata, soror, genitrixquè regnum :
 Quid esse dicam, tu quoties foras
 Procedis albæ limine curiae,
 Pugnace deducis tumultu
 Pressam humeris sine lege turbam ?
 Misces lacernâ purpuream togam
 Impunè vili, cum duce turgido
 Misces colonum, virginesquè
 Cum senibus, puerisque nuptas.
 Festiuæ plenis testa oculis micant,
 Voluuntquè tecum, seù Louis aureas

Dum

106 IAC. ALB. GHIBBESII

Dum lustrat ædes Noctiluca,
Siderei comitantur ignes.
Hoc esse dicam: redderis anxi
Astræa mundo, vel potius tuis
Pandora descendis Britannis,
Haud miserae nocitura terræ.

TABVLA B. VIRGINIS NASCENTIS,

*suffi Summi Pontificis scitissimè depicta, et in templo
Pacis collocata.*

O D E X X I.

S Olis ut demus rutilantis ortum
IESVLI cunis, dabimus MARIAE
Prævium natæ iubar: ô salutis
Phosphore nostræ!
Non enim Lunam voco, magna Mater,
Sed nequè Auroram, memor usquè puræ:
Tu vacas Virgo maculis, nites tu
Inscia noctis.
Missa primæui domitrix draconis,
Et relegatæ grauis arrha noxæ,
Seù venis Iris Superum, aut columba
Puichra Noëmi;
Diua, sublimem tibi fige sedem
AEde sacratâ sub honore Pacis:
Fas erat longæ dominæ quietis
Addere nomen.
Artibus miris imitata viuam
O ades vel sic precibus clientum!
Arduum cœlo nihil; ipsa vocem
Reddet imago.

EDVAR-